

# Cronfa Cefnogi Plant Milwyr mewn Addysg yng Nghymru (2023/24) TROSOLWG AC ARWEINIAD

## Crynodeb

Mae'r Gronfa Cefnogi Plant Milwyr mewn Addysg yng Nghymru (SSCE-WF) yn cael ei hariannu gan Lywodraeth Cymru ac yn cael ei weinyddu gan [SSCE Cymru](#), sy'n cael ei chynnal gan Gymdeithas Llywodraeth Leol Cymru (CLILC).

Gall ysgolion ac awdurdodau lleol yng Nghymru wneud cais am £1,000 neu £5,000 i ddarparu prosiect ym mlwyddyn academaidd 2023/24 sydd wedi'i anelu at gefnogi disgyblion sydd o deuluoedd y Lluoedd Arfog.

Mae'r cynllun ar agor am geisiadau drwy gydol y flwyddyn (hyd 24 Mai 2024) gan olygu y gellir datblygu ceisiadau mewn ymateb i anghenion ac ar bwyntiau pontio allweddol.

Gall ymgeiswyr wneud cais am gyllid hyd at bump gwaith yn ystod blwyddyn academaidd 2023/24 - unwaith ym mhob cyfnod adolygu (gweler yr amserlen isod).

SYLWCH: mae holl gostau'r cais yn benodedig (£1,000 neu £5,000). Plis peidiwch â gwneud cais am fwy neu lai na'r symiau penodol hyn.

## Cymhwysedd

### Mae'r rhaglen gyllid £1,000 ar agor i:

1. Bob awdurdod lleol yng Nghymru
2. Ysgolion a gynhelir gan awdurdodau lleol yng Nghymru sydd ag o leiaf un plentyn o deulu Lluoedd Arfog ar eu cofrestr.

### Mae'r rhaglen gyllid £5,000 ar agor i:

1. Bob awdurdodau lleol yng Nghymru
2. Ysgolion a gynhelir gan y awdurdod lleol yng Nghymru sydd ag o leiaf un \*plentyn o deulu Lluoedd Arfog ar eu cofrestr ac sydd wedi ennill Statws Efydd [Ysgolion sy'n Cefnogi'r Lluoedd Arfog Cymru](#).

### \*Mae diffiniad Llywodraeth Cymru o blant y Lluoedd Arfog fel a ganlyn:

Mae gan 'blentyn y Lluoedd Arfog' riant/rhieni neu unigolyn/unigolion â chyfrifoldeb riant sy'n aelodau o'r Lluoedd Arfog:

- sy'n gwasanaethu yn Lluoedd Arfog Parhaol Ei Mawrhydi
- ag ymrwymiad llawn fel rhan o'r gwasanaeth Wrth Gefn llawn-amser
- yn gyn-filwr sydd wedi bod yn gwasanaethu o fewn y ddwy flynedd ddiwethaf
- un o'u rhieni wedi marw wrth wasanaethu yn y Lluoedd Arfog a'r disgybl yn derbyn pensiwn dan Gynllun lawndal y Lluoedd Arfog neu'r Cynllun Pensiynau Rhyfel.

Er mwyn sicrhau bod gan ysgolion /awdurdodau lleol ddealltwriaeth dda o brofiadau ac anghenion plant Milwyr mewn addysg yng Nghymru, argymhellir bod ymgeiswyr yn:

1. Gweithio gyda'r Swyddog [Cyswllt Ysgolion Rhanbarthol SSCE Cymru](#) perthnasol.
2. Cwblhau pecyn e-ddysgu newydd SSCE Cymru

## Pwrpas a Blaenoriaethau

Rhaid cwblhau pob prosiect yr ymgwymerir ag o dan y rhaglen noddi hon o fewn blwyddyn academaidd 2023/24. Ni fydd ceisiadau'n cael eu hystyried ar gyfer prosiectau lle mae'r dyddiad cychwyn neu'r dyddiad gorffen ar ôl 31ain Awst 2024.

### Blaenoriaethau

Anogir ymgeiswyr i ystyried:

- Anghenion eu plant lluoedd arfog
- Cydweithio rhwng awdurdodau lleol ac/ neu glystyrau ysgolion
- Sut y gellir defnyddio a rhannu arfer da.
- Cynaliadwyedd ac ymwreiddio arfer da
- Ffyrdd o fonitro a mesur yr effaith
- Sut mae'r prosiect yn cysylltu â rhaglen [Ysgolion sy'n Cefnogi'r Lluoedd Arfog Cymru](#).

Bydd peilota prosiectau drwy'r rhaglen gyllid hon yn galluogi ysgolion ac awdurdodau lleol i gyflwyno tystiolaeth am effaith eu gweithgareddau a allai gefnogi ceisiadau am gyllid o [ffynonellau ariannu perthnasol](#) eraill.

### Cysylltiadau â'r cwricwlwm

Bydd pob eitem yn y cais am gyllid yn cysylltu ag un o chwe maes Dysgu a Datblygu'r Cwricwlwm i Gymru.

- Y Celfyddydau Mynegiannol: dawns, drama, ffilm a'r cyfryngau digidol, cerdd a'r celfyddydau gweledol
- Iechyd a Lles: iechyd corfforol a datblygiad, iechyd meddwl ac emosiynol a lles cymdeithasol
- Y Dyniaethau: hanes, daearyddiaeth, addysg grefyddol, astudiaethau busnes ac astudiaethau cymdeithasol
- Ieithoedd, Llythrennedd a Chyfathrebu Cymraeg, Saesneg, ieithoedd rhyngwladol a llenyddiaeth (gall ieithoedd rhyngwladol gynnwys ieithoedd modern, ieithoedd clasurol, ieithoedd cymunedol fel Pwyleg neu Pwnjabeg ac Iaith Arwyddion Prydain)
- Mathemateg a Rhifedd: dealltwriaeth gysyniadol, cyfathrebu gan ddefnyddio symbolau, rhuglder, rhesymeg resymegol a gallu strategol
- Gwyddoniaeth a Thechnoleg: dylunio a thechnoleg, peirianeg, cyfrifiadureg, bywydeg, cemeg a ffiseg.

## Syniadau ar gyfer cyllido a chymorth

Gall prosiectau gynnwys:

- Prosiectau wedi'u cydlynu
- Amser staffio
- Cyrsiau / Hyfforddiant

Cronfa Cefnogi Plant y Lluoedd Arfog Mewn Addysg yng Nghymru (2023/24) - trosolwg ac arweiniad

- Adnoddau
- Prosiectau/pecynnau sy'n cael eu prynu i mewn

Dylai ymgeiswyr ddefnyddio dogfen [cyngor cyllido SSCE Cymru](#) am gymorth gyda pharatoi a chyflwyno cais am gyllid. Gweler **Atodiad 1** o'r ddogfen cyngor ariannol am fwy o wybodaeth am syniadau gyllido/prosiectau.

Mae [Swyddogion Cyswllt Ysgolion SSCE Cymru \(RSLOs\)](#) hefyd ar gael i gefnogi ymgeiswyr.

## Linell amser

Gellir gwneud cais am gyllid drwy gydol y flwyddyn academaidd a bydd yn cael ei adolygu'n rheolaidd fel y dangosir yn y tabl isod.

Bydd ceisiadau'n cael eu hadolygu o fewn 14 diwrnod o'r terfynau amser a nodir isod.

Cyfnod adolygu	Dyddiad olaf ar gyfer derbyn ceisiadau	Hysbysiad ynghylch y canlyniad cyn:	Opsiynau cyllido
1	27 Hydref 2023*	10 Tachwedd 2023	Prosiectau £1,000 a £5,000
2	15 Rhagfyr 2023	29 Rhagfyr 2023	Prosiectau £1,000 a £5,000
3	9 Chwefror 2024*	23 Chwefror 2024	Prosiectau £1,000 yn unig
4	22 Mawrth 2024	5 Ebrill 2024	Prosiectau £1,000 yn unig
5	24 Mai 2024	7 Mehefin 2024	Prosiectau £1,000 yn unig

## Y Broses Adolygu Ceisiadau

Bydd tîm SSCE Cymru yn adolygu ceisiadau drwy gydol y flwyddyn a bydd cyfle i swyddogion cyswllt arweiniol yr awdurdodau perthnasol rannu eu sylwadau/adborth/cymorth

Wrth adolygu ceisiadau bydd tîm SSCE Cymru yn ystyried:

Cwestiwn	Nodiadau canllaw
1. Ydi'r ysgol / awdurdod lleol wedi ymgysylltu a'r RSLO perthnasol SSCE Cymru cyn cyflwyno'r cais?	Argymhellir (nid yn hanfodol).
2. Ydi'r ysgol / awdurdod lleol wedi cwblhau hyfforddiant DPP neu e-ddysgu SSCE Cymru?	Argymhellir (nid yn hanfodol).
3. Ydi'r ysgol wedi ennill statws Efydd Ysgolion sy'n Cefnogi'r Lluoedd Arfog Cymru?	Ddim yn berthnasol i awdurdodau lleol. Yn berthnasol i brosiectau £5,000 yn unig.
4. Ydi'r prosiect yn alinio ag anghenion eu plant sydd o deuluoedd lluoedd arfog?	Dylai'r cais ddangos yn glir beth yw anghenion plant aelodau'r lluoedd arfog yn yr ysgol a dylai'r prosiect fod yn briodol i ddiwallu'r anghenion hynny.
5. Ydi'r amcan yn glir ac yn realistig?	Dylai'r cais fod ag amcan/canlyniad clir y bydd plant y lluoedd arfog yn manteisio arnynt. Efallai hefyd y bydd o fantais i gymuned ehangach yr ysgol a/neu deuluoedd lluoedd arfog.
6. Ydi'r cynlluniau i fesur yr effaith yn glir ac yn realistig?	Dylai'r cais fod yn glir ynghylch sut y mae'n bwriadu monitro a mesur effaith y prosiect.

Cronfa Cefnogi Plant y Lluoedd Arfog Mewn Addysg yng Nghymru (2023/24) - trosolwg ac arweiniad

7.	Ydi'r cais yn dangos gwerth am arian?	Dylai'r cais gynnwys dadansoddiad clir o'r holl gostau cysylltiedig â'r prosiect a dangos gwerth am arian.
8.	Ydi'r prosiect yn alinio â chenhadaeth SSCE Cymru?	Dylai'r cais fod wedi'i dargedu at gefnogi plant y lluoedd arfog mewn addysg a defnyddio tystiolaeth ac adnoddau SSCE Cymru fel sail ar gyfer cynlluniau a gweithgareddau.

## Adborth

Gall ymgeiswyr aflwyddiannus ofyn am adborth gan [SSCECymru@wlga.gov.uk](mailto:SSCECymru@wlga.gov.uk) ac mae croeso iddynt wneud cais newydd yn barod ar gyfer y cyfnod adolygu nesaf.

## Y Broses Adrodd

Ar gyfer ymgeiswyr llwyddiannus, mae'n ofynnol cwblhau datganiad effaith fer (brosiectau £1,000 – 200-300 o eiriau / brosiectau £5,000 – 400-500 o eiriau), gyda delweddau cefnogol (os yw'n briodol), o fewn tri mis i ddyddiad darfod y prosiect. Bydd SSCE Cymru yn gofyn am hwn ar yr adeg briodol.

Bydd gwybodaeth, data a thystiolaeth yn deillio o'r brosiectau yn helpu SSCE Cymru i flaenoriaethu eu gweithgareddau ac yn cynorthwyo Llywodraeth Cymru â pholisïau perthnasol i blant y lluoedd arfog.

## Telerau ac Amodau

Pan gyflwynir y ffurflen ar-lein, gofynnir i ymgeiswyr gadarnhau'r canlynol:

- Yr wyf i/rydym ni wedi darllen ac yn deall y manylion a amlinellir yn nogfen arweiniad a throsolwg SSCE-WF (2023-24).
- O byddaf/byddwn yn llwyddiannus caiff yr arian ei wario fel y nodir yn y ffurflen gais.
- Yr wyf i/rydym ni'n deall y bydd unrhyw arian a geir drwy'r rhaglen SSCE-WF yn ddyraniad unwaith yn unig ac ni ddylid ei ystyried yn ymrwymiad gan SCCE Cymru/. CLILC na Llywodraeth Cymru i roi rhagor o arian yn y dyfodol.
- Os yn llwyddiannus yr wyf/rydym yn cytuno i gwblhau'r adroddiad effaith fel sy'n ofynnol ac o fewn y terfynau amser a osodir gan SSCE Cymru.
- Os yn llwyddiannus yr wyf /rydym ni'n cytuno i fanylion y prosiect hwn gael eu rhannu, lle bo hynny'n briodol, fel arfer da.